



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

CXLIII. Reformatio Provinciæ Pedemontanæ FF. Carmelitarum
Reformatorum.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Dat. 2. Osi
1715. An. 15.

CLEMENS PAPA XI.

*Ad futuram rei memoriam.*Refertur d.
Alternativa
a Magistris
Gen. instituta,
ejulque
abolitionis
causæ.

EXponi Nobis nuper fecerunt dilecti filii Joannes de Olarte Diffinitor, & Procurator, necnon Fratres Provinciae Sancti Antonini Novi Regni Granaten. in Indiis Occidentalibus Ordinis Prædicatorum, quod cum occasione confirmationis actorum Capituli Provincialis an. 1710. super electione Prioris Generalis celebrati nonnullæ difficultates super executione Alternativæ a dilecto filio Antonino Cloche Magistro Generali dicti Ordinis ad favorem Fratrum filiorum Conventus de Tunza nuncupat. Provinciae, & Ordinis prædictorum concessa tam pro parte eorumdem exponentium, quam etiam dilectorum eisdem filiorum Fratrum Sanctæ Fidei, & Carthaginen., ac ejusdem de Tunza Conventuum Ordinis prædicti memorato Antonino Magistro Generali representata, eique alia inconvenientia, circa novam, & antiquam Alternativam allegata fuissent, ad hoc, ut ipse circa præmissa pro sua prudentia illud, quod in Domino expedire censeret, decerneret, prædictus Antoninus Magister Generalis quamcumque Alternativam pro electione dicti Prioris Provincialis tam a se, quam à prædecessoribus suis Magistris Generalibus, & præsertim a bon. mem. Joanne Thoma Roccaberti, dum vixit Archiepiscopo Valentini, qui in minoribus constitutus Magistri Generalis dicti Ordinis Officio functus fuerat, stabilitam, abolevit, cassavit, & revocavit, ab observari minime voluit, & præcepit. Itaut in posterum ii solum, qui ex filiis cujuscumque Conventus dictæ Provinciae digniores, & aptiores ad Provincialatus munus observandum judicabantur, nullo habito respectu filiationis hujus, vel alterius Conventus in Priores Provinciales eligantur, & alias prout uberius continetur in ipsius Antonini Magistri Generalis Decreto desuper edito, tenoris, qui sequitur videlicet.

Decretum
Magistri
Gen. pro
abolitione
præfate
Alternativæ
an.
1715. editum.

In Dei filiis sibi dilectis RR. Admodum PP. Magistris, Prioribus, Præsentatis, Prædicatoribus Generalibus, cæterisque Patribus, & Fratribus Provinciae nostræ S. Antonini de Novo Regno Granat. Ordinis Prædicatorum - Fr. Antoninus Cloche Sacræ Theologiæ Professor, ac ejusdem Ordinis humilis Magister Generalis, & Servus - Cum occasione novæ Alternativæ in favorem filiorum Conventus de Tunza pro electione Provincialis servandæ, & a Nobis concessæ in confirmatione actorum Capituli Provincialis anni 1710. Nobis exponatis plures difficultates occurrere in illius concessionis executione, ac pro parte filiorum Conventus Sanctæ Fidei, filiorum Conventus de Carthago, ac filiorum Conventus de Tunza, circa Alternativam tam novam, quam antiquam aliqua allegata sint, ut nostro judicio relinquentes, quod magis expediens fuerit resolveremus; Ideo bono Provinciae regimine, & gubernio providere volentes, visis, & consideratis pro utraque parte allegatis, ac ipsarum petitionibus tenore præsentium, nostraque auctoritate officii aboleamus omnem, & quamcumque Alternativam pro electione Provincialis in vestra Provincia stabilitam, sive a Nobis, sive a Prædecessoribus nostris, præsertim bon. mem. Reverendissimum de Roccabertis, illamque omnino revocamus, ac in posterum non observari volumus. Itaut in Provinciales eligantur ii solum, qui ex filiis cujuscumque sint Conventus, digniores, & aptiores ad prædictum officium judicantur, nullo habito respectu filiationis hujus, vel alterius Conventus, sic de cætero fieri præcipimus sub pœna nullitatis electionis, si aliter fiat, imponentes partibus super hujusmodi negotio perpetuum silentium. In

Nomine Patris, & Filii, & Spiritus Sancti, Amen. Non obstantibus dictis concessionibus, & aliis quibuscumque. In quorum fidem &c. Datum Romæ in Conventu nostro Sanctæ Mariæ super Minervam die 11. Augusti 1715. - Fr. Antoninus Cloche Magister Ordinis - Fr. Thomas Ripoll Magister Provincialis Terræ Sanctæ, & Socius - Locus Sigilli - Registrat. fol. 8.

§. 1. Cum autem, sicut eadem expositio subjungebat, dicti exponentes Decretum hujusmodi, quo firmius subsistat, & servetur exactius, Apostolicæ confirmationis nostræ patrocinio communiri summopere desiderent. Nos ipsos Exponentes specialibus favoribus, & gratiis prosequi volentes, & eorum singulares personas à quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis, a jure, vel ab homine, quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinatis, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium, qui dilectum filium modernum Procuratorem Generalem dicti Ordinis super præmissis audiverunt, consilio, Decretum præinsertum auctoritate Apostolica tenore præsentium confirmamus, & approbamus, illique inviolabilis Apostolicæ firmitatis robur adjicimus, ac omnes, & singulos juris, & facti defectus, si qui desuper quomodolibet intervenerint supplemus, salva tamen semper in præmissis auctoritate Congregationis eorumdem Cardinalium.

Preces
Patrum
Provinciæ.Confirmatio
relati
Decreti.

Clausula.

§. 2. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, & pro tempore quodcumque spectabit, in omnibus, & per omnia inviolabiliter observari: sicque in præmissis per quoscumque Judices Ordinarios, & Delegatos etiam Causarum Palatii Apostolici Auditores judicari, & definiti debere; ac irritum, & inane, si secus super his a quoquam quavis auctoritate, scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac quatenus opus sit Conventuum, Provinciae, & Ordinis prædictorum, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, & de verbo ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die 11. Octobris MDCCXV. Pontificatus nostri Anno Decimoquinto.

Confirmatur Constitutio Innoc. XI. approbans Statuta Card. Protectoris pro Reformatione Provinciae Pedemontanæ Fratrum Carmelitarum Reformatorum.

CXLIII.

Laudata Const. ed. fuit 1687. Mar. 27. Pont. 11. Et hic refertur, eadem Statuta confirmata fuisse pro Provinciae Poloniae ab eodem Innoc. XI.

Bened.

Bened. XIII. Const. ed. 1724. Jul. 27. P. 1. inflituitur reformatio in Provincia S. Alberti Regni Siciliae. Et Const. ed. 1728. Mar. 26. P. 5. extant quaedam Ordinationes pro Reformatione dictae Provinciae Pedemontanae.

Dat. 26. Oct.
1715. An. 15.

CLEMENS PAPA XI.

Ad perpetuam rei memoriam.

Exordium.

Injuncti Nobis divinitus Pastoralis Officii ratio postulat, ut illis, quae ad confovendum Religiosorum Virorum, eorum praesertim, qui arctioris vitae zelo ducti primavum Religionis suae rigorem servare laudabiliter satagunt, propositum, juvandaque eorum religiosa studia, & in via Domini progressus ab hac Sancta Sede, pie, prudenterque emanarunt, quo firmius subsistant, Apostolici muniminis Nostri patrocinium adjungamus, sicut in Domino expedire arbitramur.

§. 1. Dudum siquidem fel. rec. Innocentius Papa XI. Praedecessor Noster nonnulla Decreta pro Reformatione tunc existentium Fratrum Provinciae Pedemontanae Ordinis Beatae Mariae Virginis de Monte Carmelo a bo. mem. Palutio dum vixit S. R. E. Cardinali de Alteriis nuncupato dicti Ordinis apud eundem Innocentium Praedecessorem, & Sedem praefatam Protectorem edita per suas Literas in simili forma Brevis confirmavit, tenoris qui sequitur, videlicet:

INNOCENTIUS PAPA XI. *Ad futuram rei memoriam.* Exponi Nobis nuper fecerunt dilecti filii Fratres Reformati Provinciae Pedemontanae Ordinis Fratrum Beatae Mariae de Monte Carmelo, quod dilectus filius Noster Palutius S. R. E. Presbyter Cardinalis de Alteriis nuncupatus, dicti Ordinis apud Nos, & Sedem Apostolicam Protector, pro Reformatione dictae Provinciae jussu Nostro instituta auctoritate sibi ad id per Congregationem Venerabilium Fratrum Nostrorum ejusdem S. R. E. Cardinalium negotiis, & Consultationibus Episcoporum, & Regularium praeposita, attributa, nonnulla Decreta edidit tenoris, qui sequitur, videlicet: - Palutius de Alteriis S. R. E. Cardinalis totius Ordinis Carmelitarum Protector: Cum expositum fuisset Sanctitati Suae Reformationes primum in Conventu Taurinensi Ordinis Fratrum Beatissimae Virginis Mariae de Monte Carmelo, deinde in aliis Conventibus Provinciae Pedemontanae a quadraginta circiter annis successive institutum sub observantia Constitutionum, a fel. mem. Urbano VIII. & Innocentio X. pro Conventibus in eodem Ordine Reformatis, & Reformandis, ita dilapsam esse, ut vix illius, vel leve mansisset vestigium, illa Nobis injunxit, ut isti Reformationi restaurandae omnino provideamus. Ideo ad dictam Provinciam ablegavimus Rev. Patrem Valentinum a S. Joanne, Sacerdotem Professum Provinciae Aquitaniae, & Sacrae Theologiae Professore emeritum, qui postquam a mense Julio proximo praeterito Visitationi singularum Conventuum accurate, & diligenter incubuisset, eorum statum in spiritualibus, & temporalibus ad Nos transmisit, quo dignovimus, Disciplinae Regulari in ista Provincia propemodum extinctae prompto, salutarique remedio subveniendum esse. Quocirca ut iustitiae Suae Sanctitatis pareamus, auctoritate per Sacram Congregationem Nobis commissa, sequentia ordinanda esse duximus: - Primo -- Quia in praesenti rerum circumstantia vix sperari potest, ut in omnibus Conventibus exacta praefatarum Constitutionum praxis restitui queat, tum ob quaedam Decreta, quae Leges Municipales vocant, in variis successive Congregationibus, condita, & pluribus dictarum Constitutionum articulis adversantia, ideoque ab una parte Provin-

cia impugnata, & per aliam propugnata, tum ob tenuem affectum, quem plures Alumnorum Provinciae habent ad observandam disciplinam in iisdem Constitutionibus contentam, & aliunde nonnulli praedictorum Alumnorum ardentem aspirant ad sinceram, exactamque illarum observantiam, & a Nobis efflagitant, ut in uno, alterove Conventu congregati, & ab aliis sejuncti in perfecta, & literali Constitutionum praxi, prout Deo in sua professione polliciti sunt, viventes suae obligationi satisfacere queant; Nos inherentes Decretis pro Provincia Narbonensi antehac factis per bo. me. Cardinalium Ginnetum Protectorem Ordinis, ac fel. rec. Urban. VIII. confirmatis per Breve datum 24. Februar. 1664. & Articulis conditis per P. Joannem Antonium Philippum Generalem 29. Septembris 1640. pro introducenda strictiori observantia in Conventibus, & Provinciis ex parte Reformatis, & Reformandis in dicto Ordine, ordinamus praefato Visitatori, ut eos, quos in conscientia ad id idoneos arbitrabitur, in Conventibus Astensi, Doglianensi, & Clarascensi constituat, & singuli illorum post collectionem decem dierum solemniter coram Sanctissimo Sacramento unam professionem renovabunt, & juxta *Artic. 15. cap. 5. part. 3. Constit. & art. 6. cap. fin. quest. 3.* dictarum Constitutionum juramento promittent, & in carta renovationis subscribent, se illas ad literam rursus amplecti, & cum Dei gratia se fideliter observaturos, manebuntque eo ipso immunes a quibuscumque legibus municipalibus, consuetudinibus, ac Decretis Congregationum Diffinitorialium Capitulum Provinciale, & Generalium, etiam auctoritate Apostolica firmatis, conformiter dict. artic. 6. part. 4. Constitutionum in quantum sunt dictis Constitutionibus adversa, aut diversa -- Secundo. Quia comperitum est istius Reformationis excidium, & perniciem potissime ex usu Privilegiorum, & praeminentiarum, quae Graduatis conservata fuere, pervenisse, ne illa, quam Sanctissimus Dominus vult institui, simili periculo exponatur, ordinamus, quod nullus deinceps poterit ullum gradum scholasticum suscipere, nisi modo, & forma, ac sub conditionibus, exacteque servatis omnibus, quae *Art. 10. Cap. 9. part. 1. dictarum Constitutionum praescribuntur: & si qui ex illis, qui in praefatis tribus Conventibus collabuntur, sint aliquo gradu scholastico insigniti, omnibus privilegiis, exemptionibus, & quibuscumque praeminentiis, quae suis respective gradibus ex quacumque concessione, etiam Sanctae Sedis, & Sacrae Congregationis competunt, in perpetuum scripto renunciabunt, quod & facient alii, qui ad dictam strictiorem observantiam ex aliis Conventibus servatis servandis posthac transire volent, omnesque se jurejurando adstringent nunquam in restitutione dictorum Privilegiorum ob quamcumque causam se consensuros, sed illi semper oblituros, & si qui contra facerent (quod Deus avertat) eo ipso tanquam perjuri, & infames absque alia declaratione subiacebunt omnibus poenis *dict. art. 10. cap. 9. part. 1. Constitutionum expressis.* Tertio. Praefatos tres Conventus colendae isti strictiori observantiae addicimus, & in Astensi Novitiatum instituemus, extra quem nullus sub poena nullitatis pro dicta Provincia investiri, & probari poterit, in aliis duobus, vel Seminario Juniorum Professorum, vel studia collocabuntur, qui omnes cum aliis postea aggregandis perpetuo regentur ab uno Vicario Provinciali immediate subjecto Patri Generali Ordinis pro tempore existenti cum potestate, & jurisdictione, nempe independentem a Provinciali, postulantes ad habitum, & Novitiatum, ac Novitios servatis servandis ad professionem admitteendi, Seminaria Juniorum Professorum instituendi; illos ad studia in Conventibus Reforma-*

2. Quo Prae-
minentiae,
& honorum
gradus adi-
muntur.

3. Quo insti-
tuitur Vica-
rius Provin-
cialis, & Coe-
nobita pro ju-
ventute de-
terminantur.

Tenor ipsa-
rum litera-
rum. Causae
reformatio-
nis ab Inn. XI.
instituta, & a
Card. Protec-
tore execu-
tionis manda-
ta.

1. Statutum,
quo defig-
nantur qua-
dam Coeno-
bia pro re-
formatione.

4. 5. 6. in quibus de electione præd. Vicarii, ejus muneris tempore, suffragio, & facultate.

7. In quo de electione Diffinitorū, & Socio Provincialis.

8. 9. in quibus de habitatione Fratrum.

10. in quo de Visitatione.

11. in quo de observantia Constitutionum, & vitæ communis.

tis mittendi; dignos ad Sacros Ordines præsentandi, necnon ad Conciones, & Confessiones audiendas admittendi, Fratres de uno Conventu ad alium Reformatum transferendi, & generaliter faciendi alia, latius expressa in dictis Brevi, & Articulis, quæ exacte in omnibus, & per omnia servanda erunt in dicta Provincia Pedemontana, ac si pro ea nominatim concessa, vel ordinata essent, nisi præsentibus sint contraria. Quarto. Vicarius Provincialis eligetur a personis, & modo præscriptis §. 20. artic. P. Philippi, non tamen is, qui in Capitulo terminabit Officium Provincialis, nec etiam in Provinciale eligi poterit, qui in Capitulo desinet esse Vicarius Provincialis. Quinto: semper Vicarius Provincialis manebit, etiam si Provincialis esset Reformatus, & independenter ab illo sua auctoritate fruetur, donec exacta Constitutionum observantia, perfectaque Reformatio in omnibus Conventibus Provinciæ instituta fuerit, habeatque vocem, & locum in Capitulo Provinciæ post Provinciale absolutum, & recens electum. Sexto: poterit singulis trienniis, sine cujuscumque consensu unum aliorum Conventuum Provinciæ istis tribus adjungere, si opportunum judicaverit, suosque Subditos, aliis remissis ad Patrem Provinciale, ut illis de Conventu provideat, collocare excepto aliquo sexagenario, si quis forsan ibi reperiretur, quo sic paulatim non fucata, sed sincera Reformatio introducatur. Septimo: Juxta Articulos P. Philippi semper erunt saltem duo Diffinitores ex Reformatis, qui in singulis Capitulis Provinciæ eliguntur ex quinque, quos Vicarius Provincialis, & duo Diffinitores absolvendi, & Priores Reformatorum cum suis Discretis nominaverint; si secus factum fuerit, primi duo ex nominatis eo ipso erunt primi Diffinitores Provinciæ. Similiter Provincialis electus, etiam si esset Reformatus, tenebitur eligere pro suo Assistente, seu Socio unum ex tribus, qui sibi a præfato Vicario duobus Diffinitoribus recens electis, & Prioribus præsentabuntur. Octavo: Non poterit Vicarius consentire, ut ullus suorum subditorum a quocumque Superiore Ordinis missus, etiam Studiis, Concionum, aut Regentiæ, vel alia quacumque causa vadat habitatum in Conventu, non observante dictas Constitutiones sub pœna depositionis ab Officio per Vicarium, & perpetuæ privationis vocis, & loci a Religioso migrante ubicumque inhabitet, incurrenda, qui etiam habebit pro Defectore Reformationis, nec vicissim Vicario fas erit aliquem non observantem dictas Constitutiones, a quocumque missus fuerit in Conventibus sibi subditis ad habitandum admitte, nisi præmissa annua probatione, aut forsan ad Conciones habendas tempore Adventus, & Quadragesimæ. Nono: Nullus etiam ex aliis Conventibus in istis tribus, & aliis successive aggregandis admitti poterit, nisi conformiter Constitutionibus §. 5. de regimine Provinciarum part. 3. Constitutionum, & §. 5. Artic. P. Philippi probatus fuerit per annum, gaudebit tamen, durante probatione suis voce, & loco, sed solum cum Patribus, & non cum Novitiis conversabitur. Decimo. Conventus semel in anno visitabuntur, nisi casus extraordinarius alius exigat, & quidem a solo Vicario Provinciali, cum Assistente singulis trienniis de consilio piorum Reformatorum a se assumendo. Undecimo: Virtute scriptorum Decretorum nec sunt, nec erunt liberi ab observatione Constitutionum Stricteris Observantiæ, qui illam in sua professione promiserunt, nec ab obligatione servandi vitam communem ii, qui jurejurando ipsi juxta Decretum fel. rec. Urbani Papæ VIII. de die 24. Februarii 1644. obstricti sunt, quia ab istis obligationibus eos solvere nec intendimus, nec possumus: Antefcripta Decreta in præfata Provincia Pedemontana præcepimus perpetuo servari. Da-

tum Romæ in Palatio Nostro die 24. Januarii Anno Domini 1686. sic signatum Palucius Cardinalis de Alteriis Protector - Loco ✕ Sigilli, & infra Georgius Gripparius Secretarius - concordat cum originali: Sic testor Romæ 27. Decembris 1686. Frat. Damascenus a Nativitate Beata Virginis Mariæ Notarius Apostolicus Ordinis Carmelitarum. Cum autem sicut eadem expositio subjungebat, Decreta hujusmodi subinde per Commissarios a Capitulo Generali Ordinis prædicti, novissime celebrato deputatos, post exactum illorum examen, digna reperta fuerint, quæ pro validiori introductione, & felicio-ri progressu dictæ Reformationis, Apostolica Confirmationis patrocinio, si ita Nobis placeret, munirentur: quinimo idem Capitulum Generale Decreta præinserta in Provincia Poloniæ dicti Ordinis observari ordinaverit. Et Nos illa per quasdam nostras in simili forma Brevis Literas pro eadem Provincia Poloniæ confirmaverimus; Nunc vero dicti Exponentes vereantur ne similis Apostolicæ Confirmationis defectu eorum Provinciæ Reformatio statim pereat, sicut alia, quæ annos triginta, vel circiter instituta fuerat, & multi Fratres, qui ad reformationem hujusmodi anhelañt, non audeant illam amplecti, nisi petita, & obtenta prius decretorum hujusmodi Apostolica Confirmatione. Nobis propterea Exponentes prædicti humiliter supplicari fecerunt, ut sibi in præmissis opportune provideri, & ut infra, indulgere de benignitate Apostolica dignemur; Nos igitur ipsos Exponentes specialibus favoribus, & gratis prosequi volentes, & eorum singulares personas a quibusvis excommunicationis, suspensionis, & interdicii, alisque Ecclesiasticis sententiis, censuris, & pœnis, a jure, vel ab homine quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum, harum serie absolventes, & absolutas fore censentes, hujusmodi supplicationibus inclinati, Decreta præinserta pro Reformatione præfate Provinciæ Pedemontanæ a memorato Palutio Cardinali, & Protectore edita, ut præfertur, cum omnibus, & singulis in eis contentis, & expressis, auctoritate Apostolica tenore præsentium confirmamus, & approbamus, ac in eadem Provincia Pedemontana servari mandamus, illisque inviolabilis Apostolicæ firmitatis robur adjicimus, ac omnes, & singulos juris, & facti defectus, si qui desuper quomodolibet intervenerint, supplemus. Decernentes easdem præfatas literas semper firmas, validas, & efficaces existere, & fore, suorumque plenarios, & integros effectus sortiri, & obtinere, ac illis, ad quos spectat, & pro tempore spectabit, in omnibus, & per omnia plenissime suffragari, & ab illis respectively inviolabiliter observari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari. Non obstantibus præmissis, ac Constitutionibus, & Ordinationibus Apostolicis, necnon quatenus opus sit Ordinis, & Provinciæ Pedemontanæ hujusmodi, aliisque quibusvis, etiam juramento, confirmatione Apostolica, vel quavis firmitate alia roboratis, statutis, & consuetudinibus; privilegiisque quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque. Datum Romæ apud S. Mariam Majorem sub Annulo Piscatoris die XXVII.

Relata Decreta confirmata fuisse pro Provincia Poloniæ.

Item pro Provincia Pedemontana.

Preces Provincie, & causa sequentis Confirmationis.

Martii MDCLXXXVII. Pontificat. Nostri Anno Undecimo.

§. 2. Cum autem, sicut dilecti filii Fratres dictae Provinciae Nobis nuper exponi fecerunt, ipsi duos Conventus, ultra tres alios, quos possident, eidem Provinciae uniri obtinuerint, ac proinde praesertim Innocentii Praedecessoris Literas, quo servantur exactius, & regularis observantia in eadem Provincia firmius solidetur, Apostolica confirmationis Nostrae praesidio communiri summopere desiderant; Nos ipsos Exponentes specialibus favoribus, & gratis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis, a jure, vel ab homine quavis occasione, vel causa latis, si quibus quomodolibet innodate existunt, ad effectum praesentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinatis, de Venerabilium Fratrum Nostrorum S. R. E. Cardinalium super disciplina Regulari deputatorum consilio, praesertim memorati Innocentii Praedecessoris Literas, cum omnibus, & singulis in eis contentis auctoritate Apostolica, tenore praesentium confirmamus, & approbamus, & innovamus, illisque inviolabilis Apostolicae firmitatis robur adjicimus, salva tamen semper in praemissis auctoritate Congregationis eorundem Cardinalium.

Confirmatio Constitutionis Inn. XI.

Clausula.

§. 3. Decernentes easdem praesentes Literas, semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quandocumque spectabit, in omnibus, & per omnia plenissime suffragari, & ab eis respective inviolabiliter observari; sicque in praemissis per quoscumque iudices Ordinarios, & Delegatos, etiam Causarum Palatii Apostolici Auditores, judicari, & definiti debere; ac irritum, & inane, si secus super his a quoquam, quavis auctoritate, scienter, vel ignoranter contigerit attentari.

§. 4. Non obstantibus omnibus, & singulis illis, quae in praesertis Innocentii Praedecessoris Literis concessa sunt non obstante, ceterisque contrariis quibuscumque.

§. 5. Volumus autem, ut earundem praesentium Literarum transumptis, seu exemplis etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique locorum tam in iudicio, quam extra illud habeatur, quae haberetur ipsis praesentibus, si forent exhibitae, vel ostensa.

Datum in Arce Gandulphi Albanen. Diocesis sub Annulo Piscat. die XXVI. Oasob. MDCCXV. Pontificatus Nostri Anno Decimo-quinto.

CXLIV.

Confirmatur Decretum Congregationis Episc., & Reg. quo denegatur separatio 5. Cœnobiorum a Provincia Aragoniae Fratrum Ordinis B. M. de Mercede.

Constit. ed. 1702. Mart. 29. P. 2. confirmatum fuit Decretum Card. Protectoris pro reformatione Constitutionum. Et Const. edit. 1719. Dec. 6. P. 20. confirmatur Decretum super habitu Fratrum Donatorum Congregationis Hispaniae.

CLEMENS PAPA XI.

Ad futuram rei memoriam.

EManavit nuper a Congregatione Venerabilium Fratrum nostrorum S. R. E. Cardina-

lium negotiis, & consultationibus Episcoporum, & Regularium praeposita in causa dilectorum filiorum Fratrum Ordinis Beatae Mariae de Mercede Redemptionis Captivorum instantibus Religiosis quinque Conventuum Regni Navarrae dicti Ordinis pro gratia separationis, & dismembrationis dictorum quinque Conventuum a Provincia Aragoniae ejusdem Ordinis, eorumque erectionis in particularem separatam, ac novam Provinciam pro tempore existenti Magistro Generali Ordinis hujusmodi subjectam Decretum tenoris, qui sequitur, videlicet - In Causa Fratrum Ordinis Beatae Mariae de Mercede instantibus Religiosis quinque Conventuum Regni Navarrae pro gratia separationis, & dismembrationis dictorum quinque Conventuum a Provincia Aragoniae, eorumque erectionis in particularem, separatam, ac novam Provinciam P. Generali Ordinis existenti pro tempore subjectam. - Sacra Congregatio Eminentissimorum, & Reverendissimorum S. R. Eccl. Cardinalium negotiis, & consultationibus Episcoporum, & Regularium praeposita attenda relatione Eminentissimi Orthoboni ejusdem Ordinis apud Sanctam Sedem Protectoris, & audito P. Procuratore Generali, referente Eminentissimo Paracciano, distulit resolutionem, & censuit exquirendum Votum Capituli Generalis. Romae 6. Septembris 1709. - Iterum proposita Causa, & viso Voto Capituli Generalis, necnon perpensis rationibus per utramque partem informantem deductis, referente Eminentissimo Corsino in locum Eminentissimi Paracciani successore, Sacra eadem Congregatio rescripsit negative, & causam hujusmodi amplius non proponi mandavit. Romae 29. Novembris 1715. F. Cardinalis de Abdua - F. Archiepiscopus Nicensis Secret.

nobiliorum Provinciae Navarrae, ac erectionis novae Provinciae.

Decretum praedict. editum 1715. in specie facti refertur.

Preces Prioris Generalis

Confirmatio relati Decreti.

Clausula.

§. 1. Cum autem sicut pro parte dilecti etiam filii Magistri Francisci Mariae Bichi Vicarii, & Prioris Generalis dicti Ordinis Nobis subinde expositum fuit, ipse Decretum hujusmodi, quo firmius subiluit, & servetur exactius Apostolicae Confirmationis nostrae patrocinio communiri plurimum desideret: Nos ipsum Franciscum Mariam Vicarium, & Procuratorem Generalem specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit ad effectum praesentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinatis, Decretum praesertim auctoritate Apostolica tenore praesentium approbamus, & confirmamus, illique inviolabilis Apostolicae firmitatis robur adjicimus, salva tamen semper in praemissis auctoritate memoratae Congregationis Cardinalium.

§. 2. Decernentes easdem praesentes Literas firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quandocumque spectabit, in omnibus, & per omnia plenissime suffragari, & ab eis respective inviolabiliter observari; sicque in praemissis per quoscumque iudices Ordinarios, & Delegatos, etiam Causarum Palatii Apostolici Auditores judicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac quatenus opus sit dicti Ordinis etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & Literis Apostolicis in contrarium praemissorum quomodolibet concessis, confir-

Dat. 16. Dec. 1715. An. 16.

Petitione facta pro separatione 5. Coe-